

哺擊菓懋穗疏惡鑒嫵鉉觚角之磬刻荆撓搶而  
牧圉爰暨一皇帝粉飾朴質稱量纖鉅鏗鏘奏廟  
之金玉璨璨夾楹之簠簋訓典嚴密財本豐阜刑  
罰糾虔布施優裕田有願耕之農市有願藏之賈  
草竊還業而斂迹大道四通而不斂車續馬連千  
百爲群肩輿輶載前卻而後跂搏壤歌嘏者萬井  
未聞歐噉而告瘡雖立墳爲界其誰敢擗膊以批  
押況此汴都者乎抑又有天下之壯客未嘗覩其  
奧也且宋之初營是都也上睇天時下度地制  
中應人欲測以聖智建以皇極基以賢傑限以法  
士坦以大師屏以大邦扞以公侯城以宗子以義  
爲路以禮爲門鍵鑰以柄闔闔以權掃除以政周  
累以恩廼立室家以安吾君有寔其相社稷臣也  
有挺其楠衆材會也有闡孔張通厥明也有牖孔  
陽達厥聰也其檻如衡前有憑也其壁如削後有  
據也其陛則崇止陵踐也其極則隆帝居中也邑  
都旣周宮室旣成於是上意自足廼駕六龍秉德  
輿先警蹕由黃道馳騁平書林下觀乎學海百姓  
欣躍莫不從屬車之塵而前遇妙技皆作見者膽  
碎廼使力士提挈乎陰陽轉挽乎剛柔應乎成器